

Scheibenschlagen

2007

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huir d'Grafer dron.

Fam Hotz Oskar Edith

D`r Oskar hat beim Heiza was die Kosten betrifft alles unter Kontrolle,
aber beim Wasser da zahlt er volle.
Wie kann er nu beim Wasser spora,
und decht so oft ma mecht mit dem Wasser uma-tora?
Obern Haus isch ja tolli Pieza,
da rinnt des Nass im Überfluss, da braucht ma nit geiza.
Bei der Fuirwehr haba mir viel mit dem nassa Element zum tian,
des isch also nit nu für enk so schian.
Iatz lassa miar no a Raketa auchaflitza,
nach kansch ins bei der Fuirwehr vielleicht a mal bei einer Probe unterstütza.

Hotz Hannes

D`r Hannes hat des allua Orbeita satt,
und hat si um ein Kompagnon umgschaut aber glott.
Die viela Aufträge sein allua kaum zu bezwinga,
a jeder der a ähnliches Geschäft hat, kann a Lied davon singa.
Da telefoniert ma viel und rennt zu viela Baustella,
alle schreia und wella alli no mia b`stella.
Miar wünsch Dir no viel Erfolg im huiriga Jahr,
iatz noa a Scheiba fliagt wunderbar.

Hotz Lydia und Beate

Die hochha Heizkosten sei heit-zutag a großes Laster,
es nagt jedes Jahr am Zaster.

Lydia und Beate haba si überlegt des muß anders wera,
da gibt ja was guats des Solar derf ma nit überhera.

A Solar isch wohl die Beste Soch,
a große Tafel aus Glas a ganz a floch.

Die Sunna laßt des Wasser sprudla,
da kenna die Gäste beim Duscha jubla.

Miar wünsch enk no viel Erfolg im nuia Jahr,
iatz no a Scheiba fliaht wunderbar.

Blondeel Brigitte

Die Brigitte und d´r Willi managen den Campingplatz
am Arlberg von MO-SO rund um die Uhr.

Von Müdigkeit isch da im Februar o no kua Spur,

Die Fremda wera von der Brigitte auf die Häusla verteilt,
d´r Willi mit Servicearbeiten beschäftigt auf dem Platz uma eilt.

Egal ob der Kanal verstopft, oder a Schloß klemmt, vielleicht sogar
geht die Heizung nit,

d´r Willi hat unfach alles im Griff das es grad so was gibt.

Vielleicht kimmt die Grafer Feuerwehr o a mal auf Ferienlager zu enk am
Arlberg,

da giahn mir o vom Tal auf jeden schianen Berg.

Miar wünsch enk no viele schiane Tag ohne Plog,

iats werd enk no a Scheiba gschoßa, mit am ´kräftiga Schlog.

Wörz Mario

D´r Mario will ins huira schua wieder verlassa,
und will iatz wieder huam ,weil beim Nachbar isch a Wohnung frei des
darf ma nit verpassa.

Bei der Arbeit hat er o viel zu tian,

er macht viele Dächer beim Walser ganz wunderschian.

Miar wünsch Dir no viel Glück im weitera Leba,

erzähl da Leut wia schians in Graf war ,des tat ins viel geba.

Fam Hotz Raimund Monika

D´r Raimund und Monika haba huir nach langer Zeit wieder an Enkel dazu kriagt,
Iatz kimmt mia Leba ins Haus wia ma siaht.

Die Kleina braucha viel Unterhaltung,
da isch meistens spaziera die Nachmittagsgestaltung.
Miar wünsch enk no viel Fred mit dem Kind,
iatz no a Scheiba ocha fliagt im Wind.

Hotz Martin

Vum Martin kann ma recht viel schreiba,
er wollt nit länger ledig bleiba.
Dar Maggi hat er sei Jawort geaba,
iatz giahn dia zwoa mitnand durchs leaba.
Zu zwoat ischas zwar schua recht schian,
aber eppas fahlt zum spaziera giahn.
Nach dar Hochzeit ischas nocha so weit,
die kluane Stefanie s'erscht mol schreit.
Miar wünsch deam junga Familienglück nu guats,
und hola für enk a Scheiba aus dar Gluat.

Schröcker Franziska

Franziska isch iatz viel in Innsbruck um a Studium zum absolviera,
da kann ma nit jeden Tag nach Landeck kutschiera.
In da Ferien isch Sie ou nit d´rhuam im Haus,
na sie isch tätig im Gastgewerbe in Serfaus.
Im Summer tuat sie Kinder betreua und animiera,
im Winter als Schilehrer Kinderkurse absolviera.
Franziska Du bisch foscht numma mia in Graf zum Treffa,
Du wersch ins wohl nit ganz vergessa.

Fam Schröcker Hermann Elfriede

D`r Hermann und Elfriede secha ihre grüne Wiese vor dem Haus verschwinda,
da sell sich ja bald a Baufirma infinda.
Es isch sehr ungewiss was da werd baut,
hoffentlich werd des Grafer Ortsbild nit garso verhaut.
D´r Hermann kämpft für die Anliegen der Bewohner der angrenzenden Häuser,
er isch sehr angaschiert in jeder Weise.
Mir dank Dir für Dein Einsatz für die Leut,
und daß nit gar als verbaut wird, des hoffa mir heit.
Viel Erfolg wünsch mir enk weiterhin im nuia Jahr,
iats no a Scheiba in der Neder ocha fliagt wunderbar.

Schröcker Evelin

Bei der Bank isch des Arbeita b' sunders schian,
weil da die Betriebsausflüge bis nach Amsterdam giahn.
Letztes Jahr im April war' s so weit,
da haba die Bänker die schiane Stadt sich einverleibt.
Auf zwei getrennte Flüge haba si sich verteilt,
daß sich nit glei alle, im Notfall, in die Meerestiefe eilt.
Mir hoffa Du hasch di im tolla Niederlande erholt,
iatz no a Raketa aucha jolt.

Asia Cafe

Asia Cafe isch séinzige Wirtshaus im Grafer-Land,
da kriag`sch a guta Tee, Kaffee, Kebab und sinsch no allerhand.
Der Parkplatz isch stets gramelt voll,
a so a Gschäft war für jeden toll.
O des Lebensmittelgschäft hat eine tolle Auswahl an orientalischen Delikatessen,
alles super guat zum Essen.
Viel Erfolg weiterhin wünsch mir mit dera Scheiba,
die insera Leit in der Neder über Hügel ocha treiba.

Geschäft Aglamaz

Frisches Obst und Gmias kann ma bei enk koufa,
di Leit weara enk sicher di Bude inloufa.
A guats Gschäft wünsch mar enk im negschta Johr,
iatz schnellt an Böller, deas ish klar.

Fuchsberger Mario & Bettina

A Auto mitm Kennzeichen LA-FM1 tuat in Graf ou öfters in Blinker außa
Da muas wer neuer inzoacha sei wenn sie da zum Streng icha saußa.
Da Mario und sei Frau mechta mar begrießa
und die nächst Scheiba bsunders weit außaschießa.
Für a Versicheri tuat er wohl an guta Job
und da kriagt er wohl ow s'uan oder ander Lob
Mir hoffa es lassts enk längere Zeit in insertm Ort nieder
nacha sigt ma sich sicher ou bei uan oder anderea Feschtle wieder.

FA Benatt

Plana und projektiera für's gonze Lond
d'r für isch die Firma Benatt bekonnt.
Wie nit olle wissa,
wera do schiani Pläne g'schmissa.
Und daß die Projekte ou guat gelinga,
lossa miar zur Scheiba nou a Raketa singa.

FA Streng

Die gelba Auto, wie jeder woäß
sei vor Firma Streng überoll auf d'r Stroß.
Ob im gonza Lond oder z'Starkaboch
gloda hoba si olli bis über's Doch.
An Böll'r lossa miar iatz nou krocha,
weil ou dia Bagger olli a guati Orbat mocha.

Franz Friedrich + Elisabeth

Zum Selbständig sein, deas muas ma sogä,
braucht ma an gscheida Lieferwoga.
Im Friedrich ischas halt passiert,
der Woga wurde ramponiert.
D'Scheiba hat ma ingschloga und Socha gstohla,
was fiahrschn du umma, isch da so viel zum hola.
Im negschta Jahr winscha mar dar mia Glück,
drum kracht iatz an Böller für die ganz dick.

Petter Johann

D'r Joschi isch an umtriebiger Mann,
der haltet sich olli dran.
In d'r Friaht sieht ma di oft vo Graf nach Landeck giahn,
und nacha beim Huber auf an Kaffee stiahn.
Joschi tua neagscht's Jahr wieder so viele Kilomter macha,
drum lassa m'r iatz no an Böller kracha.

Fam Matt Egon Annemarie

D´r Egon hat mit seiner Heizung alli viel zum tian,
da isch des Heiza ersch so richtig schian.
Die Pellets wera o alli kostspieliger,
und des Öl aber eher billiger.
Die Pellets muß ma in 1 Stock troga,
vielleicht gibt es da was bequemeres da miaßt ma sich ersch im Internet befraga.
Egon bei dem heizungstechnisch tollen Winter isch des alles nit so schlimm,
iats no a schiani Scheiba übern Hügel ocha glimmt.

Matt Andreas

D´r Andi isch huira nach Imst zocha
und kimmt iatz nach Graf lei mi einmal pro Wocha.
O des Camping isch für´n Andi o nit übel,
er hat da an tolla Bus kuan schlechta Kübel.
Ma kann mit dem die ganze Welt bereisen,
und braucht sich nia in a Hotel einweisen.
Mir hoffa du wersch ins decht no erhalta bleiba,
iats schloga mir Dir no a Scheiba.

Fam Matt Richard Rosi

D`r Richard hat des Parkproblem in Landeck wirklich satt,
da koaft er sich a Roller mit 400 ccm und fahrt mit dem in Stadt.
Auf des Gefährt isch er schua ganz gespannt,
des isch ja schnell des isch allerhand.
Parka kann er am Gehsteig vor seim Gschäft,
der Roller paßt fast unter Stellage für´s Zeitschriftenheft.
Miar wünschta viel Spaß mit dem Gefährt,
iats ma no an lauta Böller heart.

Matt Christian

D'r Christian isch an umtriebiger Mann,
der will olli sein vorna dran.
Ob beim arbeita beim Kofler,
oder wenn man am Fußballplatz siecht für'n FC Pians umchaloufa.
In d'r Fuierwehr tuasch die ja ou fleißig engagiera,
und am schnellsta Weg zum Kommandantakurs marschiera.
Dass dei Vorhaben gut gelingt,
iatz no a Raketa in Himmel auchi singt.

Maidel Wilfried

Vum Wilfried kenna mar nuit nuis berichta,
obwohl, es gab sicher a paar Gschichta.
Lei zum seacha kriagt ma di nia,
fürs Scheibaschloga isch deas nit sou schian.
Da miaßa mar holt aufs negscht Jahr hoffa,
dass ma sich vielleicht amol übern Weag tuat loaafa.

Maidel Johann

Beim Johann ischas schwar zum sogu,
was sell ma schreiba, ma tuat nuit darfrogu.
Sogar wenn a Bank ausrauma taatsch und nocha verschwindasch,
gabs nuit im Sprichla was da findasch.
Weil hearu tian mar wirklich nix,
a Scheiba kriagsch trotzdem, sal isch fix.

Regensburger Michael Deiser Isabell

D`r Michael und die Isabell hoba sich noch ara neuu Wohngegend umgschaut,
und hoba iatz groaß in Kappl drin baut.
Gwora isch as a schias neu`s Haus,
des ar do baut hat für sei Maus.
Lasst enk holt wieder mal bei ins do blicka,
nocha tian mar dia Raketa gonz weit aussa schicka.

Fam Schmid Robert Monika

D`r Robert hat sei Haus und die Außenanlage bestens im Schuss,
da isch der Rasa kurz und der Zaun ganz gepflegt da siegt ma kuan Abdruck von
an Fuß.
Der Kies isch schian verteilt und g`richtet,
und des Brennholz auf a schiani Lega g`schlichtet.
Iats schloga mir Dir no a Scheiba,
tuas mit dem schiana Goarta nit übertreiba.

Fam Nitsche Kurdoglu Gerald Brigitte

Südostwind - aber na der Weschtwind tia mir gspiera,
Wenns regnet oder schneit und s'Bachli tuat zuagfrieren.
Im Karnerwaldele beim Gerald waht der Wind,
Du wearsch 'n finda , geh lei gschwind.
Literatur der Wenigerheiten kansch nocha entdecka
Oh der Südostwind tuat si nit verstecka.
Des isch Literatur - der Gerald will was bezwecka,
und Grafer und Gurnauer und nit lei Brigitte aufwecka.

Horvarth Iris

Die Iris tuat sich ganz und gar ganz r Arbeit hingeba,
viel vom Leba tut sie dafür nit sea.
Probier einach nit immer on Arbeit denka,
und dafür a bissle mia Spass ins Leba lenka.
Dass dir des ou ganz gut gelingt,
iatz no an Böller vom Hong ocha klingt.

Horvarth Heidemarie

Von der Heidi´s Auto sieht ma olli in Mils unta stia,
dera tuts do tunta onscheinend ganz gut gia.
Mit beobachta des schua längere Zeit,
des nit nu ins bereitet ganz viel Freid.
Heidi mir winschi dir dabei alles gute,
und dafir set fliega, die Scheiba ganz weit aus de Gluat.

Fam Horvarth Erich Elisabeth

Erich iatz miassa mir di amol ganz fest loba,
der Thomas und Julia wora froh, weil sie di zum Orbeita ket hoba.
Der Erich isch mitm Schremmhommer no auf der Baustell gstonda,
isch der Thomas mit m´Loch im Kopf schou long im Kronkaus glondat.
Hot der Erich und Elisabeth übern Wohnungsumbau no glocht,
so hat der Thomas sich um irgendwelche Dinge no Sorga gmocht.
Mir hoffe du konsch über den Umbau nit ganz fest kloga,
die Junge weare dir sichar ganz fescht dankschia sogä.

Horvarth Thomas

Iatz tia mar a Raketa aua schießa
Weil dr Thomas und Julia kema wieder fix in Graf begrießa.
A Wohnung mit Garten im Ergeschoß
Ideal zum Grilla, da isch sicher immer eppas los.
Die Pendlerei zur Orbeit isch iatz ou vorbei
denn beim Thurner bisch ja glei.

Horvarth Martha

Wer par Martha vor´m Haus vorbei gia will,
set sich bewega foscht ganz still.
Ma sieht des öfteren on groaßa Hund vom Zaun ocha locha,
der tut nit nu die Martha vom Bösa bewocha.
Martha sei froh dass er vorm Zaun tuat stia
und nit nou mit ihm dafür muasch Gassi gia.
Iatz bisch in deim Alter decht no auf an Hund kema,
dafür kansch vo Fuerwehr no a Raketa onnehma.

FA Wille Egon

Dia Scheiba isch aussu, weit und schian
iatz bleiba miar ba da Getränke Wille stiahn.
Getränke gibt's bam Wille ollerhond,
drum isch er ou inser Haus- und Hoflieferant.
A Rakete tian miar ou nou aujoga,
und für sein Spende donkschian sogu.

FA Wille Harald

An Böll'r lossa miar iatz zearsch krocha
und tian bam Wille Harald a Station mocha.
Miar tat ihn jo gonz geare ploga,
ober vom Harry tuat ma nuit d'r froga.
Er weard schua ollas huamlich mocha -
dia uana und die ondara Socha.
Viel Erfolg und a guates G'schäft winscha miar
beim Kassiera keama miar eh nocha zu Dir.

FA Wucherer Heinz

Im Baug'schäft isch dia Firma guat bekohnt
dia Wucherer-Tafla sieht ma im gonza Lond.
Ober nit nu do stellt der Chef sein Monn
er zoagt ou da Leit, wos er auf d'r Bühne kann.
Beim Theater isch er ou fescht ongaschient
und bringt d' Leit zum Locha - d'r fiar lossa miar nou an Böll'r krocha.

Pammer Herbert Kathrein Anni

Dia Scheiba schiaß mar außa gonz weit,
dr Herbert hot hinter sich a harte Zeit.
Iatz geat's wieder aufwärts Schritt für Schritt,
d'Anni halft dr fescht dabei mit.
Miar wünsch enk fürs Nuie Johr,
viel Kraft, dass alls wieder weart wias war.

Koch Helga

Ou das Johr ischas wirklich schwar vu dir eppas zum schreiba,
du miaschtasch öfter in Graf da bleiba.
In Wien gibt's sicher kua Scheibaschloga,
und niamand der dar tuat a Sprichla aufsoga.
A Scheiba fliaht ocha für die ganz weit,
miar hoffa dass d'Helga öfter da bei ins bleibt.

Fam Thurner Udo, Evelin

Beim Udo wora d'Handwerker recht laut,
dia hoba im Haus a Hackschnitzelanlag inbaut.
Bei dar Heizung setzas eas also nuie Trends,
Was hobats denn da für a Energie effizienz?
Sinscht sigt ma di viel umma fohra bis spat in d'Nacht,
ob dar Udo da alli Kundenbesuche mocht?
Fürs negscht winscha mar enk zwoa nu guats und tiatsas genieß,
und iatz tian mar enk nou an Böller aucha schiaß.

Huber Karin

D'Karin isch alli fleißig am spaziera giahn,
in soura schiana Gegend isch deas holt schua schian.
Mit ihrem Kindla geht sie aus und in,
miar frog ins da schua, hat deas eppa an Fitness - Sinn?
Mit dar Karin gibt's ou alli eppas z'Locha,
drum winscha mar ins, kimm decht öfter in d'Fuiewehrhalle ocha.

Fam Ruetz Markus

Beim Markus muaß ma wirklich sogä,
ma tuat halt gar nuit nuis darfroga.
Alli s'Gleich schreiba wella mar ou nit tian,
eppas nuis deas war holt amol recht schian.
Im negschta Johr heara mar vielleicht nuie Gschichta,
na kenna mar vu enk viel mia berichta.

Wagner Walter Ingrid

Geara tata mar wissa wos eas tiatz treiba,
miar weara enk glei an Böller anreiba.
Im negschta Johr wella mar aber eppas ausakriaga,
und wenn mar nix heara, nocha miaßa mar holt liaga.

Moschen Anni

Dia Scheiba tian mar weit ausatreiba,
gesund set Anni nou long bleiba.
Bleib uanfach sou wia da bisch,
freundlich, agil, jung und frisch.

Kirschner Katharina

Di neagscht Scheiba isch aus dar Gluat,
miar hoffa es geiht d'r Kathi guat.
Miar wünschä d'r viel Glück und G'sundheit,
und dass d'r bewahrsch dei Heiterkeit.

Nöbl Ferdinand

Da Ferdl sieht ma seit letschtn Summ'r
mit ama nuia Auto umchabrumma.
Auf dia nuia Auto muaß ma heinzutog's schua schua,
drum lot er glei d'rzua a gonzi Werkstott baa.
D' Romana denkt si, eppas nui mocha könn i ou
und geht regelmässig ins Fitness studio.
Vom Hörsturz, Bondscheiba und onderi Socha,
wella mir huira nit reda, lossa ob'r an Böll'r krocha.

Nöbl Anna

D' Anna hot olli nou a Hobby, dös isch gwieß,
ma sieht sa olli mit da Stricknolda auf'm Ries.
bunti Socka gibt's, dös sieht ma genau,
nu kuani Schworza, am labscht grian, roat oder blau.
Dia dunkla Forba tia d'Anna irritiera,
drum geht si huira da graua Star operiera.
Gsundheit winscha miar nou zum Schluß
und lossa an Böll'r mit ama mords Schuß.

Nöbl Hannes

D'r Hannes kann sich trotz arbeita nit ganz vom Studentenleben trenna,
drum tuat'r no öfters nach Stams in die Pedak renna.
Sonderpädagogik tuasch du am Wochenende studiera,
damit kannsch deine Schüler unter d'r Wocha gezielter instruiera.
Weil ab'r nacha hasch olli no a bissli freie Zeit,
isch es in Reutte zum BFI nit weit.
An Deutschkurs tuasch deart no abhalta,
und dei bissli restliche Freizeit ou no minutiös verwalta.
Hannes, zu deem Organisationstalent missa mir dir iatz schua amal gratuliera,
drum lassa m'r iatz no a Raketa in Himmel auchi marschiera.

Fam Schlatter Engelbert Stefanie

Eppas tuat d' Engl schua a bissli stiara,
seit er bam Holza untera an Boum kemm isch
konn er sein Hond numma recht riahra.
Im a Fitnessstudio muaß er vor Hond die Muskla trainiera,
do geht d'Stefanie glei mit und tuat d'Schulter kuriera.
Ons Motorrodfohra muaß si d'r Engl nocha holt ou wieder gweahna,
nu s'Schubkorrafohra konn ja d'Stefanie übernehma.
Daß dös wieder weard und die Kroft ou wieder kimmt,
iatz für enk nou a Rakete glimmt.

Schlatter Harald

Übern Harry kenna miar oft eppas dr'zeila,
huira tuat er sich mit seiner Stiega queila!
Er braucht a Stiega aus Eisa,
weil a normals Holz lot sich so schnell v'schleiß.
D' Melly hot in Harald über die Stiega ongfoucht,
drum hot's Liachter in der Stiega ou no broucht!
Dr Harry tuat seim Voter halfa mit'm Holz,
auf den Container, den sie organisiert hoba, sei sie recht stolz.
Du hatsch wella die Hackschnitzel in den Container schmeiß,
nu tian det schua überall Lechar off reiße!
Vielleicht konsch die Lechar no flicka,
miar tia dr'für a Raketa in Himmel schicka.

Kobler Gerald

Secha tuat ma in Gerald in Graf ganz selta,
du tuasch eppa lieber in die eigenen vier Wänd zelta.
Dei Auto sieht ma dafür olli vor d'r nui g'machta Holzlegga stiahn,
weil die isch ja so schian.
An Böller lassa m'r iatz no kracha,
damit mit deem Auto hasch no viel zum lacha.

Kobler Maria

Dia Scheiba tian m'r weit außi treiba,
und bei d'r Maria stiahn bleiba.
Mit'm Auto bisch no fleißig am Riaß,
ma muß ja nach Landeck auf'n Schießplatz, sall isch gwieß.
Hoffentlich tuasch die n'eagschts Jahrt wieder viel unter die Leit umchatreiba,
und mir tia für dei G'sundheit no an Böller anreiba.

Fam Traxl Richard Frieda

Habt's es schua gheart,
ja Leut es isch wahr.
Die Frieda und dr Richard,
sein iatz beide 80 Jahr.
Ma siacht sie alli gartla und holza mitnand,
es isch schian wenn ma sích im Alter hilft hand in hand.
Mr wünsch enk mitnand no a schiane Zeit,
und schikn enk dafür a Raketen heint.

Plattner Kathrin

Ja Kathrin bei dir isch´s nun a soweit,
du kriagsch die erste Scheiba heit.
Sie lernt iatz fleißig Tag für Tag,
weil sie im Mai Matura macha mag.
drum wünsch mr dir alle viel Gelingen
und de Scheiba set da bei dr Matura Glick bringa.

Fam Plattner Wolfgang Angelika

Dr Job im Finanzamt weart ihm numma longa,
denn dr Wolfgang isch iatz unter di Taxler gonga,
und des drzua gonz exklusiv
für'n Christian zum Nulltarif.
In's Stubaitol in di HTL
Mit'm Papamobil geat des bsunders schnell,
am Sonntog hi und am Freitag retour,
weart dr Christian chauffiert, des isch Luxus pur.
Dia Raketa tia mar weit außa treiba,
als Finanzler wearsch dia Kilometer wohl vo dr Steuer abschreiba.

Winkler Franz

D'r Franz hot iatz a komotti Soch
dia Zufahrt direkt neb'm Boch.
Do konsch iatz Holz direkt voar'n Kaller fiahra
und ou bam Aufarbeita recht guat riahra.
Dös weard sicher a Erleichterung bringa,
drum lossa miar dazua nou a Raketa singa.

Fam Senn Arnold Ursula

Bar Imkerei isch d'r Arnold alli am nuiaschata Stond
sogor bam Fohrzeug isch er's iatz ou, isch grad ollerhond.
A tolli Soch, tat ins ou interessiera,
d'r Arnold weard ober iatz zearsch, wia voar 35 Johr, Biena ausfiahra.
Als Herr von viela Völker war dös grad glocht,
wenn sie d'r Chef nit an Galändewoga onschofft.
Und dass du und Ursula hobast long damit a Freid
kimmt iatz nou a Raketa, dias weit aussiträgt.

Senn Evi

Wias holt isch und wias sis g'heart
loassa miar d'r Evi a Raketa vor Eard.
Miar froga ins nu, wos muasch Du olls's transportiera,
dass du iatz tuasch mit'm Vot'r sein Kombi umchakutschiera.
Dia groaße Auto sein schian und nett
nu bam parka z'Innsbrugg isch as a gbissli a Gfrett.

Fam Senn Werner Brigitte

Dia Raketa schiaß mar bsunders weit auße,
ma sieht di Brigitte iatz mit ama mords Auto um di Egger brausa.
Ou in dr Garage hinterm Haus
mocht si der BMW X 3 gor nit schlecht aus;
und dass jeder woäß, bis do her kearts miar,
hot dr Werner mit am Schmiedeisazaun obgrenzt sei Revier.
Des Auto isch bei dr Brigitte in guater Hond,
drweil dr Werner mit'm Zug tuckert quer durch's gonze Lond.
Du bisch decht Chef vo dr Flugpolizei,
mit so am Helikopter warsch dahuam ober glei;
schlechts Gwissa brauchsch du ou kuans kriaga,
schließlich losst si jo ou dr Minister Platter mit'm Kampfjet noch Tirol infliaga.

Senn Anna

A so an Winter ohne Schnee isch zwar nit normal,
aber dafür sei di Weg nit eisig und hal.
Da kann d' Anna all Tag gmiatli ihre Runda giah,
und vom Spielplatz in'd Sunna blinzla, des isch decht schia.
Anna, die Scheiba loss mar iatz weit auße singa,
des Jahr sell dir Gsundheit und Glück bringa.

Senn Verena

Lang hat anfang Oktober s'Licht brennt in der Feuwehrhalla
d'Verena isch 18. gwara und hat gfeiert mit fast alla.
Wenn ma 18. isch und die Schuljahre im End zuagian
Muas ma studiera gian wenn möglich nach Wian.
D'Verena hat alles genau vorplant
Und hat sich in Wien schua a Zimmer ingramt.
Und dass Sie ihre Figur no weit übern 20er aucha rettet
Hat sie bis weit in Herbst icha kräftig in die Pedale trettet.

Walter Berta

Die Berta war huira brav drum tia mar sie loba,
Und schieß a Scheiba ocha und hoffa, sie bleibt it doaba!
Mir hoffa du schausch am guata Jahr entgega,
Und winscha dir viel Glück und Segal!
Es geat huira sicher alles guat soweit,
Auf deas aua steat beim Standla an Glühwein bereit!

Fam Walter Markus Sybille

Beim Markus und bei d´r Sybille hot sich heura ou was toan,
vorm Haus do steht an neua Boam.
D´r olte hot weicha miaßa,
weil sie die Leit iatz im neua Friseurgeschäft begrißa.
Dies wor eh schua länger klar,
denn d´r Sybille laufa die Leit nach in großer Schar.
Damit tia Scheiba iatz weit aussa Fliega tuat,
gratuliera mar enk für enkern Muat.

Schütz Manuel

Dr Manu hat sei Berufung gfunda,
und mocht bei da Gschandi an Haufa Überstunda!
Er isch mit Fleiß dabei,
und derlebt dabei allerlei.
Da hot er lei a Auto kontrolliert,
aber dies isch auf Manu's Fuß hin manövriert!
Da isch ihms Locha vergonga,
aber gschlofffa isch des Auto decht noch.
Mir winscha dir viel Glück und dass nix schlimmes passiert,
drum für die iatz a Scheiba in's Tal radiert!

Fam Schütz Erwin Christine

Dia Scheiba sett weit aussigiahn, weil d'rmit bleiba miar bam Erwin stiahn.
Miar tat ians geara erkunda,
wo du d'rahsch mit'm Motorrad olli Deini Runda.
Weil dös tat ins sicher interessiera,
d'rfür tian mir Dir an guats Kaskiachli spendiera.
A Raketa loßa miar iatz nou singa,
daß du konsch da letschta 40'gr guat umchabringa.

Fam Haag Sabine u. Peter

Dia Scheiba schiaß mar außi bsunders weit,
iatz nehma mar ins für di Sabine und in Peter Zeit.
Ihra Buaba sei zwoa richtige Lauser,
dia auf dr Soga um di Egger sausa.
Si holta di Sabine richtig fit,
seit letschtem Jahr isch Fuaßboll der große Hit.
Und wia di des für a Buabamama keart,
steacht si am Fuaßbollplotzund schaut zua,
wia der Boll inglocht weart.

Pfisterer Peter

A nuies Auto hat sich d'r Pete leatscht's Jahr missa koufa,
weil er hat a Zeit lang keat Probleme mit'm loufa.
Beim arbeita hat'r sich sein Fuß an einer Säule saggrisch einklemmt,
drum isch'r danach mit die Krucka umchagrennt.
Als ob so a Verletzung nit schua war gnug Schada,
tuat die die neues Auto ou no ploga.
Mit d'r Dieselfuhr tuat eppas nit ganz stimma,
weil es tuat einfach zwianig Benzin in den Motor ichi rinna.
Nach langen sucha hat die Werkstatt endlich in Fehler entdeckt,
dein neuer Tank isch voll mit Dreck.
An Böller tian m'r iatz schua no anreiba,
dass sich deas Jahr nit wieder d'r Verletzungteifel tuat bei dir umchatreiba.

Pfisterer Dieter Köhler Christine

Christine und dr Dieter tian hoffentlich lei guat's derwarta,
Hoba tata sie iatz gute Karta!
Sie sei glücklich und zfrieda mitanand,
Soa loaft's Leba ganz leicht von der Hand!
Dass es so bleibt und weiter guat loaft,
Enk nou a Scheiba ins Tal ocha roacht!

Wilhelm Karin

Die Karin kenna mar gar nit ploga,
denn do wiss mar nit so viel zum sogu.
Sie tuat holt nia aufhera um' s Haus uma baua,
obwohl' s jo schua tuat guat ausschaua.
Damit' s nit zuviel Freizeit ins Haus investira,
lass mar dia Schaiba iatz weit aussa marschiera.

Fam Carpentari Reinhard Marlies

D´r Reinhard und die Marlies sein beide in Pension keama,
und kenna sich iatz endlich Zeit für andere Sacha nehma.
Die Marlies tuat iatz viel auf´ s kluane Enkali schaua,
und mit ihra riesige Sandburga baua.
Aber so wie miar in Reinhard kenna,
weard´ r glei amol zur nächsta Arbeit renna.
Giaht´ s es deas aber gmiatlich an,
denn iatz sei amol die Junga dran.
A Raketa tian mar iatz ganz weit aussa schiassa,
damit Feuerwehr beim Kassiera konsch begriaba.

Fam Carpentari Sandrino Rosmarie

Sandrino und Rosi, es miaßt´ s anstella a paar G´ schichtla,
damit mir ebas hoba zum Berichta.
Das gröte Hoppy vom Sandrino isch die Kartnerei,
da gia so a paar Sunti glei vorbei.
Und wenn nit grad beim Kortna bisch,
dann sitzesch am Wochenende in der Schual am Tisch.
Damit in dem Kurs an guata Abschluß tuasch mocha,
loss mar enk a paar Böller krocha.

Fam Carpentari Reinhard Michaela

Reinhard miar hoba da a so a Gschichtli keart,
wo miar ins schua vorstella kenna dass es stimma weart.
Wenn in d´r Nacht von d´r Arbeit huam kimsch,
und irgendwelche fremde Geräusche wahr nimsch
dann renn´ sch a Runde um´ s Haus,
aber Reinhard vielleicht war´ s lei a Maus?
Iatz kann ma drüber locha,
drum laß mar enk an Böller krocha.

Carpentari Jürgen und Sonja

Huiru wurs endlich swoweit,
durechs Leaba giahns sie iatz zu zweit.
A schians Essa hot dar Jürgen gmocht, um romantische Gefühle z'wecka,
um glei drauf dar Sonja an Ring anan Finger z'stecka.
Beim Polterabend isch dar Alkohol in rauen Menga grunna,
es hot it long braucht, nocha hat dar Breitigam gspunna.
Er hot ins alla demonstriert,
dass er auf an Gipsverband allergisch reagiert.
D'Sonja arbeitet iatz im Altersheim,
deas dunkt manch olte Mander recht fein.
Sonja, iatz leag die Karta auf'n Tisch,
ob deas vum Jürgen wohl dar uinzige Heiratsantrag gweasa isch?

Pekar Manfred und Sabine

D´r Manfred und Sabine hoba immer ebas zum tian,
denn sie richta sich im und um´s Haus recht schian.
Der Gorta tuat so richtig anlocka,
zum gmatlich mit Freind zomhocka.
Do weart immer wieder grillt und glocht,
und guata Cocktails gmocht.
Wenn d´r Manfred nit grad tuat s´ Fleisch auf´ m Grill umaschupfa,
nocha tuat´r holt mit seim Fallschirm vom Berg ouahupfa.
Dia Scheiba loss mar iatz weit aussa marschiera,
vielleicht isch nocha für Feuerwhr ou an Cocktail drin beim kassiera.

Fam Pfeifer Karl Brigitte

D´r Karl und d´r Martin spiela gera a bissli mit´ m Gas,
und hoba dabei an haufa Spass.
D´r Spielplatz weart umfunktioniert zu ra Rennsteck,
da fliegt manchmal an haufa Dreck.
Da hot holt Brigitte nit so viel d´r von
Guat dass sie d´r weil mit´ m Hund Gassi gian kann.
Damit enk des Hoppy no long Spaß mocha tuoat,
Hau mar enk a Scheiba in Gluat.

Öttl Wolfgang Sieß Christine

Bei dr Christine und beim Wolfgang
hat's iatz endlich amol an End mit dem Gsprang.
S'Haus isch fertig und schia,
Iatz gibt's fascht kuane anstrengenden Arbeiten mia.
Miar hoffa eas hobat's enk einglebt
Und kuane Scherereien ket.
Alle zam mechta ma enk öfters gera unter dr Leut secha mir tia enk schua grießa
Und datür a schiane Scheiba ocha schießa.

Würthenberger Claudia u. Armin

Dia Raketa laß mar iatz weit aussa marschiera,
um am Armin und d' r Claudia zum Nachwuchs gratuliera.
Gseacha hat ma zwar neun Monat long kuan Bauch,
aber deis hot bei d' r Claudia sowieso schua Brauch.
Manchmal weart enk d' r Bua in d' r Nacht sicher ploga,
da weart' n d' r Armin sicher zum beruhiga im Schlafzimmer hin und her troga.
Genießt trotzdem dia kurze schiane Zeit,
wenn im Haus a Poppali schreit.

Fam Landerer Franz Elfriede

Dia Scheiba isch im gonz große Boga,
für' n Franz und D' Elfriede aussa gfloga.
Man sieht sa nu manchmal gian ein oder aus,
ansonsten isch' s bei ihna immer ganz ruhig um' s Haus.
Loßt' s öfter was vo enk hera,
des hat mar schua recht gera.

Fam Marth Edmund Helene

D' Nöni und d'Nala tian miar iatz begriassa
und zur Scheiba ou nou an Böll'r schia' ßa.
Der Edi draht ja schuan recht große Runda
und tuat bam huamgiahn nou Fuchsbearg erkunda.
Auf olli Fäll moch weiter selche Fortschritt
noch kimsch sicher nit aus'm Tritt.

Fam Schultes Hubert Brigitte

Die Familie Schultes hat a guat's Jahr verbracht,
es war heiter und fröhlich und ma hat viel glocht.
Dahuam louft alles guat soweit,
deas macht it lei enk sondern ou ins a Feid!
Miar hoffa miar tia ou in dem Jahr lei guat's derfroga,
und tia enk auf deas aua a schiane Scheiba ocha joga.

Vogt Herta

Dr Herta miaßa miar amol zerscht recht herzlich gratuliera,
und lossa zu ihrem 66-igschta a morz Raketa marschiera.
Mit 66 fangt des Leba erscht an,
d'Herta taugt deas und sie tuat was sie kann!
Auf ihra Kur hat sie an Schatta anglacht,
deas hatt dr Herta gfollla und gor nix ausgmocht!
Mir hoffa sie bleibt ins decht nou long darholta,
weil iatz keart sie eindeutig zu inseren Oltal!
Ober iatz tia mir die numma ploga,
und no a schiene Scheiba aucha joga!

Marianne -Gerhard Kopp (Gäste BRD)

Bei dr Marianne und beim Gerhard miaßata miar einstella zum Berichta,
nocha hatta mar's leichter beim Dichta!
Miar kenna lei für Gesundheit und gutes Ergehen hoffa,
und glouba damit enkere Wunsch hoba zutroffa!
Es seits alli recht herzlich ingloda,
drum tia miar iatz für enk a Schieba in's Tal ocha joga!

Larcher Mathias

Dar Mathias hat, wia ma heart,
s'Motorradli fohra alli nou nit darlearnt.
Du miaschtasch lei amol richtig zuheara,
nacha wischtasch, dass beim fohra beade Roafa auf d'Straß keara.
Beim Thöni hats im Mathias numma recht taugt,
da hat'r sich glei in an Bus icha gkaut.
Iatz fiahrt'r Schifahrer auf'n Gletscher aucha,
weil für sein nuia Job tuat ma Praxis braucha.
Ab m'Sommer will'r Rockbands durch ganz Europa transportiera,
am Ende wearsch holt die Zillertaler Schurzenjäger vu Zeltfescht zu Zeltfescht
uma schauffiera.
Iatz lossa mar di aber in Ruah,
und haua dar a Scheiba übern Ruan.

Fam Larcher Peter Margret

Plant hot d'r Peter sein Roas leztscht's Joh, tog- in tog aus
weil er denkt hot, er isch 3 Wocha aus.
Bis Santiago de Compastelle hat er wella fohra
in Andorra isch er nocha umdraht um Benzin zu spora.
Noch uaner Woche steacht er ober schua wieder voar d'r Tür
weil z'oft auswearts übernochts steacht nit d'rfür.
So kurzi Fahrtla kann d'Margret ou mitmocha,
weil Überstunda hot si gnua, sall war decht zum locha.

Schütz Florian

Studiert hat dar Florian iatz gnuag,
Studium isch abgeschlossa und wia ma heart ou nou recht guat.
An Arbeit hat dar Flo ou schua gfunda,
bei ara Firma in Innsbruck macht'r iatz seine Stunda.
Innovationszentren plana und betreiba,
an Haufa Zettel und Konzepte muasch da wohl schreiba.
Beim Fuaßballna auf dar Playstation kanntasch fanatisch weara,
aber um da voarna dabei zusein muasch nou an Haufa learna.
Viel Glück bei deem nuia Job winscha mar dar alle mitnand,
auf deas stoaßa mar an am Glühweinstand.

Fam Schütz Egon Sissi

A poor Johr hot sich dr Egon überlegt,
Wia er lous wera kann mit Schneeschöpfa deis Gfrett.
Auf uamol hot man gsecha loufa,
Zum Hofer a schiane Schneefräsa koufa.
Im olta Johr hots'n bold zur Verzweiflung trieba,
Es hot und hot it ochagschnieba.
Zum Glick hot's DreiKini a poor Flocka gmocht.
nocha hot dr Egon wieder glocht.
Und dass es weiterhin fescht schneit,
Ihm d'Fuirwehr a Raketa onreibt.

Huber Susanne

Dia Scheiba isch aussidean Böll'r hobat g'heart
dear hot d' Susi und ihrem Pet'r gheart.
Als Modell für a Skikleidung isch si auf olla Pischta am Weg,
do schaua manchi Superfohrer grad blead.
Do mog d'r Peter schuan nou a bissli trainiera,
daß er nit muaß auf der Pischte hinta - noach - kutschiera.
Deas weard dean Peter a bissli steara.
Drum waerd's er ou nit gera heara.

Fam Huber Robert Gabi

Daß d'r Gabi in d'r Pension nit longweilig weard
iatz dr'huam ou nou a Klavier zum spiela steaht.
An Jugendtraum isch in Erfüllung gonga,
do spielt sie iatz schiani Stückla, kurzi und lange.
Dös Orcheschter muaß nocha ou guat funtioniera.
drum weard d'r Hansrobert mit der earschte Geiga musiziera.
Beim Kassiera keama mir eh vorbei,
nocha heara mir sicher a tolls Musi-ollerlei.

Fam Rainalter Eckehardt Hella

Dr. Ekehard und Hella hoba iatz a nuis Auto kouft,
Was in Eki leicht ruit, weil's nit so guat wia dr Olte louft!
Im Eki tia iatz 100PS fahla,
Drum muaß er mit viel Müh und Not auf Lech aua grahla!
Sinscht darfragt ma nit viel nuie Socha,
Drum winscha miar enk alles Guate und lossa iatz no a Raketa aua grochal!

Rainalter Ekehardt

Dr Eki isch huira in Spanien mit 'm 'Wohnmobil unterwegs gwesa,
und vergessa davor die Betriebsanleitung z'lesa!
Gnetig miaßa sie's ket hoba, drum hoba sie anfanga bohra, (schnell fohra)
und dabei hoba sie s'Dachfenschter verlora!
Die Autotour hoba sie dennoch weitergmocht
und am Abad drüber glocht.
Miar wissa sowas kann lei mit Ekis Karra passiera,
drum tia mar iatz a Scheiba ins Tal oacha katapultiera!

Scheiber Peter

Als erschters miaßa inserm Peter amol gratuliera,
Und lossa zu seim bestandana Führerschein a Raketa marschiera!
Er hot it so long wia dr Robert braucht,
Weil sall hatt'm nocha um so mehr gschlaucht!
Auf's eigene Auto tuat er olli nou fleißig spora,
Und leicht sich deshalb vu seim Bruder s'Auto aus zum fohra!
Er darf halt it olli so oft fohra wia er will,
Hindera tian vom Vortrag meischtens die reschtliche Promill!
Beim Ausgiah sigt ma n'Peter fascht so oft wia beim Weiß,
Und ou beim Raffa hat er hin und wieder an morz Fleiß!
Bei dr Fuirwehr isch er ou olli beim Arbeita und "Teagla",
Iatz lossa miar fürn Peter no a Scheiba ocha seagla.

Scheiber Robert

D' Robert isch an Monn, wia jed'r woäß
isch viel unterwegs und olli auf d'r Roas.
Bam Orbeita stellt er hundertprozentig sein Monn
nu beim Frühstück isch er olli als letztschter dron.
Ou sein eigenes Auto holtat er in Ehra
und kann aber manchi Untat nit verwehra.
Nui g'richtat, g'spritzt und lackiert
sei nocha a poor so Deppa über sein Motorhauba spaziert.
Dean Ärger kenna miar schuan varstiahn
nu loß dös Auto nit nachtweis voarm John's daussa stiahn.

Fam Scheiber Helmut Martha

An Böll'r lossa miar iatz zearsch von d'r Eard
weil dös isch ins d'r Helmut huira schua wert.
A holbs Jahrhundert kimmt auf ihn iatz zua,
dös bringt da Helli ober nit aus d'r Ruah.
A Feier weards schua geba, sall sein miar g'sponnt
dös werad sicher die greaschte do umanond.
Setz dia Feier groß gnu on
dass sie nit dein Schwoger und Nochbor übertreffa konn.
Settasch eppa ou nou d'Fuirwehr inscholta,
miar tata für Deine Gäscht nocha d'Brondwoch holta.

Grießer Eva Maria

Die Eva lot sich bei ins do numma oft blicka,
wenn na tuat sie Briaf huam schicka.
Sie hot 6 Monat a Praktikum in Salzburg absolviart,
dies mit ihrer Ausbildung louft wia gschmiart.
In der Kiarcha tuat sie sich musikalisch ongaschiera,
um da Leit a schians Fescht zu presentiera.
Und dass deis dir weiter so gelingt,
a Scheiba iatz übern Bichl oa singt !

Grießer Elisabeth

Über die Elisabeth gibt's huira nit so viel zum Berichta,
außer dass is iatz in Innsbruck nochgeat ihra Pflichta.
Sie tuat bei ma Doktor im Büro telefoniera,
und ou in uana oder ondara Termin fixiera.
Auf dies dass miar s'negscht mol mia hoba zum Notiera,
loss mar dia Scheiba über d'Wiesa fliega !

Fam Grießer Hubert Rosmarie

So a Kawasaki Chopper isch a gfiarigs Gefährt,
di Rosi isch stolz, dass dia Maschin nun iara keart.
Si hot des Motorrod ou guat in dr Hond,
und kurvt damit umadam im gonza Lond.
Sogor bei der Motorrodwollfohrt wor si mit vo dr Partie,
zearscht muant d'Rosi zwor, des schofft si nie,
ober si losst si von da Manderleit nit unterkriaga,
und holtet super mit, dafür lossa mir iara no a Raketa außa fliega.

Schmid Daniel

Iatz schiaß mar no a Scheiba ausi, und die Funka fliega au,
da Dani hom mar huira s'erscht mol auf der Lischta drau.
Zum dr'zeila gibt's ou uan zwoa Socha,
mit seiner Bänd lot er's gonz schia krocha.
Da Führerschein hot er voarma Johr schua gmocht,
es hot aber glei amol krocht.
Er hot beim Ausparka die Kontrolle über's Auto verloara,
dr'bei isch ihm a Seila zum Verhängnis gwoara.
Dass diar dies numma set passiera,
loss mar no an Böller explodiera!

Fam Schmid Harald Angelika

Normal isch d'r Harald ja für sei Sportlichkeit bekannt,
lei manchmal treibt er sich ou mit seim Motorradli umanand.
In Italien kann ma b'sonders guat blasa,
weil deart gibt's so viel schiane Straße.
Auf die Hauptstraße zum fahra isch vom Harald it sei Ding,
da isch d'r Verkehr viel zu schlimm.
Drumm sucht er sich mit d'r Frau am Rücksitz schiane Nebenstraßen aus,
weil deart isch die Fahrerei kuan Graus.
Lei auf die italienschen Straßenverhältnisse hat d'r Harald it denkt,
und sei Motorradli durch die holpriga Straße g'lenkt.
Für solche Verhältnisse isch's Motorradli vom Harald aber nit gmocht,
und so sein glei a paar Schraubä während d'r Fahrt auf d'Straße kracht.
D'r Harald hat bei dera Fahrt aber nit lei sei Motorradli maltretiert,
sondern oa a Plomba von d'r Angelika riskiert.
A Raketa iatz no in Himmel auchi singt,
damit dei Motorradli und b'sonders Angelika nach d'r neagschta Ausfahrt wieder
g'sund und vollständig huam kimmt.

Fam Schmid Helmut Linde

D'r Helmut mocht schua so manchi Socha,
do isch d'r Linde noch numma zum Locha.
A guate Bluemaerd hot si d'Linde b'stellt
und dia zu da Oltkleid'r in Stodl g'stellt.
Dr Helmut denkt si nuit und schau ou nit
und nimmt die nuia Eard zum Sperrmüll mit.
Sperrmüll gabs zwor ba ins schua gnua,
do keart sich'r nit nou a guati Blumaeard d'rzua.

Fam Juen Hubert Erika

Dia Scheiba treib mar außa vor Stonga,
foscht war die Erika am Strenger Bearg verloara gonga:
Wias zu Sivester isch Tradition,
schnollt sich dr Hubert di Touraschi on,
und geiht mit'm Heiko noch Dawin zur Silvestermess,
des isch a super Soch noch ama gonza Johr Stress.
Dahuam überlega sich dia zwoa Fraua,
miar überroscha insere Mander, dia weara schaua,
miar giah ou auf die Strenger Schihütta aua.
Si fohra mit'm Auto, soweit si kema
Und wella nocha z'Fuuß a Obkürzung nehma,
so weit kann des decht nit sein,
si stopfa mit ihra Kinder querfeldein;
vorzua weara si komplett verwirrt
und hoba si total verirrt.
Erika, besorg dir a Navigationssystem,
nocha findesch du überoll hin ohne Problem.
Dia Raketa weard am Himmel hell aufblitza,
so hosch du hold miaßa onstendig schwitza.

Fam Juen Josef Paula

Am Seppl well mar zearsch ver'gelsgott sogu,
dass mar darfa dia Scheiba über die Wiesa oa schloga.
Er hot s'letscht Johr kett a riesen Fescht,
zu seim 70-er wora ingloda gonza Heifa Gäst.
Miar wella diar ou dr'zua gratuliera,
und tia dr no a Raketa spendiera !

Fam Siegele Waldemar

Dass dr Waldemar a guats Schnapsli brenne kann, deis hoba mar gwißt,
aber iatz homan ou beim Umbau darwischt.
Beim Schnapsbrenne isch alls recht und er losst si nit lumpa
drum hot er si kouft vom Kaller oua iatz a Pumpa.
Dia Scheiba sett iaz weit ausasinga
dass du ins vielleicht amol a Schnapsli tuasch ausa bringa.

Siegele Gerd

Gerd o Gerd wie kann ma über die lei eppas d'rfraga,
auß'r dass tuasch die Sprichlaschreiber plaga.
S'ganze Jahr heart und siecht ma nix von dir,
vielleicht kimmsch bei d'r Fuierwehr amal vorbei mit am Bier.
Dass deas neagscht'S Jahr gelingt,
die Scheiba b'sonders weit außi singt.

Siegele Angelika

Geli Gurnau isch so schian,
lei wo bleibsch du s'ganze Jahr stiahn?
Bei d'r Arbeit tuasch die Tourista sicher gut durch'n Talkessel dirigiera,
damit die nit die Übersicht verlierera.
Dass d'r die Arbeit no long a Freid mocht,
iatz no a Rakete vom Himmel locht.

FA Maschler Karl

Beim Karl vorm Autohaus wahja Fahna im Wind
ob SEAT oder MITSUBISHI a jeder gera schaua kimmt!
DA kann ma Auto koufa,
dia zuverlässig sein und ou schnell loufa.
Weil die Bedienung und d'r Service sein einfach guat,
drum hola miar iatz d'negscht Scheiba aus der Gluat.

Fam Juen Klaus Anna

Fufzig- Jahr isch dr Klaus bei dr'Fuirwehr aktiv dabei - mir gratuliera
und tia die schianschte Raketa spendiera.
19 Jahr long Kassier - des sett zscherscht unar amol zombringa
denn heint tata die Meischtta glei amol verspringa.
Fit isch er olli no wie an Junger
Die Kondi holt er sie beim Holza und kriagt dabei an gsunda Hunger.

Thöni Maria

Dia Scheiba tia mar weit außa schiaßa
und damit die Thöni Maria begrießa.
Meischtens bisch jo in der Stonzer Leita
ober ou bei ins dunta konnsch hoba schiane Zeita.
Mir wünsch dr nou viel Gsundheit und an Sega
dia Scheiba sell b'sonders weit och segla.